

U N D N O U Ö B S

Die Motter schreit ihrn Schorschla bei
und säigt: "Du muaßt zum Pfarrer nei,
En Korb voul Eier muaßt ihm breng,
Zua, laß die Löppa nit sou heng."

Der Schorschla hat ke große Fräd
Weil sou a Gang ihm widergäht!
Ar säigt: 'I söll die Är fortroch -
Wos söll i denn zum Pfarrer soch?"

Die Motter säigt, "Du dummer Bua,
du größt racht schö und säigst derzua:
Guten Morgen Herr Pfarrer, da bring ich die Eier,
Dos kast doch sicher runterleier?"

Ober merk Dirs fei genau -
Und nou öbs - schneuz die fei, du Sau!
Der Schorschla nimmt sein Korb und gäht
und wia er vorn Herrn Pfarrer stäht

Tuat er sei Sprüchla runterleier:
"Guten Morgen Herr Pfarrer, da bring ich die Eier!"
Dann sagt er Wort für Wort genau:
"Und nou öbs - schneuz die fei Du Sau!"

- - - - -